

傷寒經解卷之四

漢南陽張機仲景氏撰

勾吳逋人集註

少陽經全篇

少陽之為病口苦咽乾目眩也

少陽胆為風木之經木動生火。曰炎上。炎上作苦。故口苦少

陽經上挾咽故咽乾。少陽木生火而主風。旋則目眩也。此乃

少陽經病亦一篇之總綱也

少陽中風症也

少陽中風兩耳無所聞目赤胸中滿而煩者不可吐下吐下則悸而煩

少陽之脉從耳後入腦中出前耳前其支者下胸中合肝應木
其經本少血風為陽而主氣血少氣寒故耳無聞風熱陽亢故
目赤而煩滿也少陽不出不入故禁吐下吐下則重亡津液木
苦火焚故心神怔忡而恐煩也

傷寒脉弦細頭痛發熱者屬少陽少陽不可發汗發汗則譫語此
屬胃，和則愈胃不和則煩而悸

外感六淫之邪皆名傷寒脉弦細者細則少血弦則為風中風
也風為陽邪故頭痛發熱少陽少血主風故脉弦細曰屬少
陽以少陽脉弦也汗乃血化血少所以忌汗也汗之則血涸胃

燦則譏語譏語所以曰屬胃。和則燦退而愈。胃不和則中焦

營血不化。故主血之心木火交熾煩而恐悸也。

傷寒陽脉溢陰脉弦法當腹中急痛者先用小建中湯不差者與

小柴胡湯主之。

寸為陽溢者陽氣有餘也。尺為陰弦者陰血少也。血少氣滯也。故腹中急痛。小建中湯益血而緩急也不差則病原非血少蓋因胆氣欲升不能升鬱于下而尺脉弦也。故用小柴胡以達之。

小建中湯

桂枝

兩三

芍藥

六兩

酒洗

甘草

兩二

生薑

兩三

大棗

十二枚

膠飴

一升

右六味

以水七升

煮取三升

去查內飴更上微火消烱溫服

心悸

一升日三服

中者陽之守也。建中者建立中之陰而為陽之守也。蓋脾為陰氣之原。甘草白芍甲已以化血。桂枝辛以潤之。飴糖甘以和之。姜枣以和陰陽氣和血盈而中陰建立矣。

傷寒二三日心中悸而煩者。小建中湯主之。嘔家不可用建中湯。以甜故也。

傷寒^傷二三日猶言外感病二三日也。心中悸而煩者邪入少陽少

陽經貫心。夙為陽邪。心血少不能制陽邪而悸煩也。小建中湯解陽邪以益血也。嘔家平素有嘔症。溫勝之人也。建中味甘。

能引濕雖有悸煩之必因濕不可用建中也

傷寒四五身熱惡風頭項強脇下滿手足溫而渴者小柴胡湯主之

身熱惡風頭項強中風本病也脇下滿少陽循脇邪入少陽也少陽有風一為陽邪則陽甚陰弱手足諸陽之本故溫陰弱津竭故渴小柴胡以解少陽之風也

傷寒五六日中風往來寒熱胸脇苦滿默默不欲飲食心煩喜嘔或胸中煩而不嘔或渴或腹中^痛或心下悸或脇下痞鞭小便不利或不渴身有微熱或咳者小柴胡湯主之若胸中煩而不嘔去半

夏人參加括姜實一枚若渴者去半夏加人參合前成四兩半括
姜根四兩若腰中痛者去黃芩加白芍三兩若脇下痞鞭去大棗
加牡蠣四兩若心下悸小便不利去黃芩加茯苓四兩若不渴外
有微熱者去人參加桂枝三兩溫覆取微汗愈若咳者去人參大
棗生姜加五味半升乾姜二兩

少陽經行半表半裡風傳少陽則入併于陰則寒出併于陽則
熱一出一入故寒熱往來也少陽經下胸貫膈絡脇風邪湊之
故胸脇苦滿少陽之氣東方生之之氣卯湊則生氣不揚且胆
為清淨之官故默默也少陽之氣不升則胃氣不發故不欲飲

食少陽貫心風為陽邪入心故心煩風性上行故嘔則風木之氣條暢故喜之此少陽中風本症其或之云云者隨所兼之邪而見也小柴胡湯柴胡解表黃芩解裡人參扶元甘草和中半夏溫內總以守其關樞使邪無內向也如煩而不嘔風煎熱也在胸邪在陽位也人參扶陽半夏溫燥故去之加括萎以清心包絡渴者肺津液苦也去半夏之燥加花粉增人參以潤之腹中痛脾血少也去黃芩之苦燥加白芍以收脾氣脇下痞鞭風兼濕也去大棗之甘潤加牡蠣以奠堅心下悸小便不利膀胱水氣乘心也去黃芩之陰寒加茯苓以伐水不渴外有微

抵邪在表而不在內也去人參之內補加桂枝以解表啖者陰
火乘肺也去人參姜枣之溫補加北味乾姜以歛之

傷寒六七日發熱微惡寒肢節煩疼微嘔心下支結外症未去者
柴胡加桂枝湯主之

以上二三日三四日四五日五六日六七日邪傳遲速之日期
也發熱惡風寒中風本症也肢節四肢關節也煩疼風邪乘之
血不濡也嘔者風邪上逆也支結于心下也風性強直也外症
即發熱惡寒未去也柴胡以入少陽加桂枝以解風邪也

柴胡加桂枝湯

桂枝

半兩

黃芩

半兩

人參

半兩

甘草

半兩

半夏

二合 芍藥一兩半 大棗六枚 生薑一兩半 柴胡四兩 右九味以水升煮取

三升去渣分溫服

少陽宜小柴胡一定不易者也。以煩疼支結甚而惡寒微已見血少之徵不勝重亡津液故加桂枝。雖曰中風本方寔建中之胚胎養血之神劑也。

傷寒六七日無大熱其人躁煩者此為陽氣入陰故也。

六七日當陰陽極而來復之時如不復則入陰分矣。無大熱入內也。熱邪入陰故躁煩。出于心。躁出于腎也。少陽乃陰陽之界。風為陽邪。風邪入陰經故曰陽氣入陰也。

發汗多亡陽譏語者不可下與柴胡桂枝湯和其營衛以通津液
後自愈

風症為陽，盛則陰虛汗乃血化故風症在太陽已不可汗况
少陽少血之經乎故發汗多則亡津液而胃燥譏語也不可下
者內無結屎也胃燥故用柴胡桂枝湯則津液通而愈也
傷寒中風有柴胡症但見一症便是不必悉具

傷寒水經中風症但有一少陽症即用柴胡和之不必諸症具
方為少陽中風也以上十節少陽中風症也

以下婦人少陽傷寒婦人中風發熱惡寒經水適來得之七八日熱遲除而脈遲身涼

胸脇下滿如結胸狀。譏語者此為熱入血室也。當刺期門隨其熱而瀉之。

婦人中風。正發熱惡寒。適值經行。行七八日。則血海乾枯。因而熱入血海。外體熱除。身涼。中風脈浮緩者。邪既入內。亦病而緩。脈變遲也。血海又血室。即衝脈。起于氣街。至少陰夾臍上行至胸中而散。故熱入血室。即胸脇滿如結胸也。譏語者血乾枯而熱入。則胃火燔也。期門二穴在不容兩旁。各去身寸之一寸五分。肝之膜也。肝藏血。室屬肝。刺期門以瀉血室之邪也。

婦人中風七八日續得寒熱發作有時汗出適斷者此為熱入血室其血必結故使如瘧狀發作有時小柴胡湯主之

前之熱入血室由中風在血來之前血去邪入血室無血而渾是邪故用刺法以瀉實此之熱入血室由中風在血來之後邪乘血半離血室而入之血與熱搏所以血結正與邪爭有如瘧狀而休作有時也邪半實而血半虛故用小柴胡和解之蓋血係衝脉係于肝經少陽屬胆、三附肝小柴胡和解少陽故入衝脉解血結也

血弱氣盡腠理開邪氣因入與正氣相搏結于脇下正邪分爭汗

來寒熱休作有時默然不欲飲食藏府相連其痛必下邪高痛下
故使嘔也小柴胡湯主之

陰者中之守也經水遙來遙斷則血弱而中之守空所以陽氣
不能固腠理以衛外氣亦盡而外邪因入血室也血室肝
之所主熱入血室肝部有邪氣與本經正氣相搏相搏結于
脇下肝胆之部分與正氣相爭并于陰并于陽注來寒熱休作
有時也邪正交爭則少陽生氣不揚故默然胆氣不升胃陽不
發故不欲飲食也血室屬肝連入脇下胆經故曰藏府相連邪
結脇下結處必痛雖在下邪入必上衝木性善升肝胆屬木

男子入血室由于熱

其得陽明

女子入血室由于風

風得少陽

以汗言之

木病其邪必高故上升而嘔吐也。小柴胡主之者十一藏皆決于胆。況血室肝部之邪肝胆同歸一治者乎。男子熱病熱入血室在陽明例中女子中風熱入血室在少陽例中同一熱入血室也。何有少陽。明之殊蓋男子下血無常女子徑行有定一由于熱一歸陽明一由于風一歸少陽以類而分也。以上三節婦人少陽中風熱入血室也。

傷寒五六日頭汗出微惡寒手足冷心下滿口不欲食大便鞭脉細者此為陽微結必有表復有裡也。脉沉亦在裡也。汗出為陽微假令純陰結不得復有外症悉入在裡此為半在裡半在表也。脉

雖沉緊不得為少陰病。所以然者陰不得有汗。今頭汗出。故知非少陰也。可與小柴胡湯。設不了者得屎而解。

陽微結者陽邪結于半表半裡也。結則上下不通。故津液壅上而汗出于頭。津不通下而便燥于內。結則陽不和于陰。故心下滿而不食。脈細而沉緊。陰不和于陽。故惡寒而手足冷也。汗出惡寒表虛也。便鞭滿而不食裡虛也。脈沉裡虛也。表裡俱病故為陽衰邪結。少陽之病也。汗出雖陽微而非無陽之病。如純陰無陽則結在裡而外無病。今病半在表半在裡。即知非無陽而屬一陽之少陽經病矣。脈雖沉緊因屬寒邪而非純陰結少。

陰也。陰結屬少陰者。少陰之樞也。蓋陰主內而無汗。今有汗。故知非少陰也。病屬半表半裡。雖係寒邪。亦可用小柴胡。和其樞也。服藥後仍不精明者。結屎未去。胃陽未和也。屎去則胃陽和。必寒散而愈矣。

太陽病十日已去。脈浮細而嗜卧者。外未解也。設胸滿脇痛者。與小柴胡湯。但浮者。與麻黃湯。

太陽病已十日之久。脈浮細而嗜卧。外無他病。此係病後陰虛。神僂。表解欲愈之形也。若脈浮細而嗜卧。兼胸脇滿痛。胸脇乃少陽往行之地。則邪入少陽。少陽少血。神昏而嗜卧也。宜以小

柴胡湯和解之若嗜卧而脉但浮，乃表解病症仍在太陽，
虛寒甚而嗜卧也。仍用麻黃湯以散其寒也。以上二節少陽
傷寒症也。

婦人傷寒發熱，經水適來，晝日明，暮則譫語，如見鬼狀，熱入血室，
故也。毋犯胃氣及上二焦，必自愈。

寒為陰邪，發熱者，太陽表氣蒸熱也。經水適來，血去之後，而血
室空虛，標熱入內，因而胃燥。暮者申酉戌時也。申酉戌為陽明
旺時，陽明屬胃，故至暮則胃燥，如見鬼而妄言。然陰症屬陰寒，
標氣之熱，邪甚輕，故除陽明王時，即當晝日正陽之候，胃經

女少陽傷寒熱入血室